

KOMMUNIKAMMA 12 DESEMBER 2021



Kontakpersone, indien jy meer inligting benodig oor een van die sake wat hier verskyn:

Jou blokouderling of -diaken

Niekie Oosthuizen: 082 561 8747; 041 360 1484; kerkkantoor@ngkraggakamma.co.za

Ds MG van Rooyen: 083 413 7100; mg@ngkraggakamma.co.za

Ds Toit Wessels: 084 240 2916; toit@ngkraggakamma.co.za

PROGRAM VIR DIE WEEK:

3de Adventsondag

Skriflesing: Matteus 1: 21; 2:16-20

Tema: Die verandering van Kersfees.

09:00 Erediens

<https://youtu.be/zn8T2RCCXg4> Skakel gerus op Youtube kanaal in as jy die lewendige uitsendings wil volg.

Die video sal gestoor word op Youtube, sodat jy ook op jou eie tyd daarna kan gaan kyk.

Die huisgeloof, 'n gesprek riglyn rondom die tema van die erediens, is op die gemeente se webwerf beskikbaar.

Die deurdankoffer gaan vir Kleinskool

EREDIENSTE IN DIE KERKGEBOU

Die hou van eredienste is onderhewig aan al die Covid regulasies. Daar mag nou **250 persone** per erediens in die kerkgebou wees. Die diens word steeds digitaal beskikbaar gestel. Ons gaan, indien regulasies nie weer verander nie, hierdie jaar een erediens om 09:00 hou.

Indien jy 'n erediens wil bywoon, kan jy die volgende skakel gebruik om die aanlyn besprekingsvorm te voltooi.

<https://forms.gle/p7mpVSBnHeYdRYuZ8>. Ons versoek dat jy die vorm voor Vrydag 12:00 sal voltooi.

Jou bespreking verseker jou van 'n plek in die erediens.

Neem asb. kennis dat dit nie 'n vereiste is om plek te bespreek nie. Dit maak net die proses makliker, want ons moet 'n naamlys hê van almal wat by die erediens was.

WAT DIE COVID-PANDEMIE NIE KAN STEEL NIE

Die kort video van Ellenette Meiring word gestoor op die gemeente se Youtube-kanaal. Gaan loer gerus daarna by die volgende skakel (<https://youtu.be/9lxcZtTaono>).

Woensdag 15 Desember

KERKKANTOOR

Die kerkkantoor sal Woensdag van 08:00 tot 12:00 oop wees. **Geen persoon sal sonder 'n masker toegelaat word nie.** Volg asb die regulasies.

Neem asb kennis dat die kerkkantoor gesluit sal wees vanaf 17 Desember tot 7 Januarie. In geval van nood kan u die predikant aan diens of vir Ryno kontak.

Sondag 19 Desember

09:00 EREDIENS

<https://youtu.be/V6BUBAGXZXw> Skakel gerus op Youtube kanaal in as jy die lewendige uitsendings wil volg.

Die video sal gestoor word op Youtube, sodat jy ook op jou eie tyd daarna kan gaan kyk.

(Die deurdankoffer gaan vir MES)

Saterdag 25 Desember

08:00 EN 09:30 KERSDIENS – let asb daarop dat daar 2 dienste sal wees om, binne die regulasies, soveel as moontlik mense geleentheid te gee om die kersdiens by te woon. Slegs die 8:00 diens sal lewendig uitgesaai word.

<https://youtu.be/oCjEYGeHHrQ> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.
(Die dankoffer gaan vir MTR Smit Kinderoord)

Sondag 26 Desember

09:00 EREDIENS

<https://youtu.be/AhaK9PfnAYQ> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.
(Die dankoffer gaan vir Radio Feba)

Vrydag 31 Januarie

18:30 OUJAARSDIENS

Die oujaarsdiens word nie lewendig uitgesaai nie. Daar sal aanlyn 'n kort weergawe van die boodskap gepubliseer word.

Sondag 2 Januarie

09:00 EREDIENS

<https://youtu.be/Jw8EROnPxUM> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.
(Die dankoffer gaan vir Sinodale Dankoffer Hulp aan Gemeentes)

Sondag 9 Januarie

09:00 EREDIENS

<https://youtu.be/qfXUAILEPu0> Skakel gerus op Youtube kanaal in as jy die lewendige uitsendings wil volg. Die video sal gestoor word op Youtube, sodat jy ook op jou eie tyd daarna kan gaan kyk.
(Die dankoffer gaan vir Sinodale Dankoffer Diens van Bermhartigheid)

SAKE vir GEBED:

- Elkeen van ons lidmate gedurende hierdie Kersgety. Ons vra dat die Here julle in besonder sal seën. Ons bid vir hulle wat alleen is en verlang na hulle geliefdes. Ons is baie lief ver elkeen van ons lidmate. Kom ons bid in besonder tydens die feesseisoen vir mekaar.
- Vir die mense in George en omgewing wat soveel skade gely het a.g.v. die wolkbreek wat plaasgevind het en weer baie reën gehad het. Ons bid dat daar omgesien sal word na elkeen van die slagoffers, dat die Here hulle sal beskerm en sal lei. Ons harte gaan uit na elkeen.
- Dank die Here vir die wonderlik reën wat in ons omgewing geval het, veral in ons opvangsgebiede en ander gebiede wat ook deur die droogte geteister was, maar ons bly laag op ons knieë as ons bid vir die kritieke stand van damme van ons stad en ander droogtegeteisterde gebiede. Ons hulp kom van ons Here en ons pleit dat Hy in Sy almag sal ingryp en vir ons sakte deurdingende reën sal stuur. Ons bid dat al die inwoners die erns van die saak sal besef en daadwerklik pogings sal aanwend om water te bespaar. Mag elkeen van ons bewus wees hoe krities die waternood werklik is. Mag die Here vir ons genadig wees.
- Al ons ouer wordende lidmate wat swaarkry in hierdie vreemde omstandighede, veral in sommige oorde waar die inperking nog baie streng is. Ons bid vir hulle wat eensaam en afhanklik is van ander, dat hulle sal ervaar hoe Hy hulle in sy liefde omvou. Mag Hy hulle help om hulle vrese te oorkom, veral rakende die nuwe variant van die Covid virus.
- Ons tree in vir ons jeug wat ook swaarkry in hierdie vreemde omstandighede. Ons is almal afhanklik van mekaar en afhanklik van die Here en Sy liefde.
- Dat almal weer sal volhard en die regulasies rondom die virus, sal handhaaf.
- Almal wat siek is. Ons bid dat hulle genesing sal ervaar. Mag elke lidmaat uitreik na persone wat in hierdie tyd siek is, al is dit net met 'n boodskap of oproep.
- Ons dank die Here dat dit goed gegaan het met Gustel Agenbag se operasie. Ons bid vir volkome herstel.
- Delano en Odette Britz met die afsterwe van hulle seun Steve. Ons bid vir aanvaarding en dat hulle God se omvattende liefde sal ervaar in hierdie hartseer tyd.

- Daar is steeds studente wat besig is met eksamen en ons bid in besonder vir hulle, asook vir diegene wat her-eksamen moet skryf. Mag die Here met elkeen van hulle wees.
- Christo Grobler junior wat mediese behandeling ontvang het. Ons glo en vertrou dat dit beter sal gaan.
- Ds Rikus Botha van PE Noord gemeente het 'n beroep Bloemfontein toe ervaar. Bid vir hom en Thania en ook vir PE Noord gemeente met die beroep van 'n nuwe dominee.
- Ons bid die Vader se seën oor elkeen van ons lidmate af en dank elkeen wat gereeld saam met ons bid vir al die sake vir gebed en wat die gebedskild ondersteun.

There4-bedieninge se Kersboodskap:



VERLOF VAN PERSONEEL

Niekie is van 16 Desember tot 7 Januarie op verlof.

Toit is van 13-26 Desember op verlof

MG is van 28 Desember tot 16 Januarie op verlof.

Ons versoek almal vriendelik om asseblief in hierdie tyd met die personeellid op diens te kontak en die ander hul welverdiende verlof te laat geniet.

VERJAARSDAE

Ons wens almal wat gedurende die vakansie verjaar geluk met hulle verjaarsdae.

Ons lig graag die volgende verjaarsdae uit:

13 Desember – Bessie Rautenbach (91)

15 Desember – Ona Stander (95)

20 Desember – Esmé Roesstroff (95)

26 Desember – Thea Wilke (91)

2 Januarie – Rina van Niekerk (94)



CMR KERSVAKANSIE PROJEK

Vir baie families gaan die kersvakansie donker en honger wees. As jy 'n bydrae wil maak om die lig van Christus oor hul te laat skyn kan jy 'n finansiële bydrae by CMR, ABSA, Rek no:290230225; Takkode:632005 maak. Bydraes kwalifiseer vir 'n S18A Inkomste Belasting aftrekking. Nie-bederfbare kos kan by die CMR by Mountweg 16, Noordeinde afgelaai word. Vir meer inligting kontak Jackie by tel: 041-484 3554; e-pos: account-cmrpe@webafrica.org.za.

VIDEO- EN MUSIEKBANDJIES (“TAPES”)

Wil jy graag jou ou video- of musiekbandjies (tapes) oorsit op DVD, CD of Geheuestokkie? Kontak gerus vir Bettie Celliers by 082 495 1901

TIENDEMAAND DANKOFFER

Oktober was 10de maand dankoffer maand. Die inkomste van die tiendemaand dankoffer beloop tans R 143 965.00. Die begrote bedrag vir die tiendemaand dankoffer is R240 000. Jy is welkom om steeds, indien die Here vir jou so lei, jou 10de maand dankoffer bydrae te maak.

Ons dank die Here wat voorsien het deur elke lidmaat se dankbare bydrae!

DANKOFFER

Baie dankie vir elkeen se dankbaarheidsbydrae wat ons maandeliks ontvang. Dankoffers kan direk in die kerk se bankrekening of deur middel van Snapscan betaal word.

Die kerk se bankbesonderhede is:

NG Kraggakamma

Absa Tjekrek 1400590091

Takkode 632005

